

漢

魏

遺

書

鈔

漢魏遺書鈔

經翼第四册目次

六

論語注

漢北海鄭康成著

論語弟子目錄

漢北海鄭康成著

論語義疏

梁吳郡皇侃著

論語隱義

撰人闕

逸論語

撰人闕

右論語翼五種

孝經傳

魏文侯著

孝經注

漢北海鄭康成著

孝經內事

撰人闕

孝經述義

隋河間劉炫著

右孝經翼四種

爾雅注

漢犍爲舍人著

爾雅圖贊

晉宏農郭璞著

右爾雅翼二種

孟子注

漢北海劉熙著

孟子章指

漢扶風趙岐著

右孟子翼二種

五經通義

漢沛郡劉 向著

五經通論

晉平陽束 皙著

五經異義

漢汝南許 慎著

五經要義

宋豫章雷次宗著

五經然否

晉巴西譙 周著

五經鈎沈

晉會稽楊 方著

五經析疑

宋 邯鄲綽著

五經疑問

魏清河房景先著

七經義綱

後周 樊文深著

七經詩

晉北地傳 咸著

六藝論

漢北海鄭康成著

聖證論

漢東海王 肅著

石經

漢陳留蔡 邕本

右諸經翼共十二種

片錄

隋志鄭康成論語註十卷

唐志同

何晏論語集解序曰漢中壘校尉劉向言魯論語二十篇皆孔子弟子記諸善言也太子太傅夏侯勝前將軍蕭望之丞相韋賢及子玄成等傳之齊論語二十二篇其二十篇中章句頗多於魯論琅邪王卿及膠東庸生昌邑中尉王吉皆以教授故有魯論有齊論魯共王時嘗欲以孔子宅爲宮壞得古文論語齊論有問王知道多於魯論二篇古

論亦無此二篇分堯曰下章子張問以爲一篇有  
兩子張凡二十一篇篇次亦不與齊魯論同安昌  
侯張禹本受魯論兼講齊說善者從之號曰張侯  
論爲世所貴包氏周氏章句出焉古論唯博士孔  
安國爲之訓解而世不傳至順帝時南郡太守馬  
融亦爲之訓說漢末大司農鄭玄就魯論篇章考  
之齊古爲之註

經典序錄曰鄭校周之本以齊古讀正凡五十事  
又鄭康成云論語仲弓子夏等所撰定

謨案鄭註論語自周齊至隋盛行於人間唐書猶著錄至趙宋始不入志意五代之際其書已亡故未見有傳本頃得元和惠定宇先生輯本二卷據盧抱經序言原本亦王深寧所輯誠不易得爲亟登入漢魏遺書但以愚所鈔輯羣書校之猶多遺漏因就惠本更加補訂凡共鈔出集解百八條釋文百六條邢疏五條尚書疏七條毛詩疏二十一條周禮疏十二條儀禮疏八條禮記疏十條左傳疏十二條穀梁疏一條公羊疏一條孝經疏一條



史記注三條漢書注三條後漢書注十八條北魏  
書一條羣輔錄一條世說注二條文選注十條書  
鈔九條玉篇一條寰宇記一條

論語注

漢 北海鄭康成撰

金鑿石印

學而有朋自遠方來

同門曰朋

文選注○集解作包注

人不知而不愠 愠怨也

而好犯上者鮮矣

鮮寡也

並釋文

孝弟也者其爲仁之本與 孝爲百行之本

孝經疏

吾日三省吾身 省思察已之所行也

釋文

與朋友交 同門曰朋同志曰友

周禮疏

傳不習乎

釋文鄭注云魯讀傳爲專今從古案鄭枝周之本以齊古讀正凡五十事鄭本或無

注此

道千乘之國 司馬法云井十爲通通十爲成成方

十里出革車一乘

毛詩疏○集解馬注同

則以學文 文道藝也

釋文

主忠信 主親也

過則勿憚改 憚難也

子禽問於子貢曰夫子至於是邦也必聞其政求之與抑與之與 子禽弟子陳亢也子貢弟子姓端木名賜亢怪孔子所至之邦必與聞其國政求而得

之邪抑人君自願與之爲治

子貢曰夫子溫良恭儉讓以得之夫子之求之也其諸異乎人之求之與言夫子行此五德而得之與人求之異明人君自與之

君子食無求飽居無求安學者之志有所不暇

未若貧而樂樂謂志於道不以貧爲憂苦並集

如切如磋如琢如磨切磋琢磨以成寶器毛詩

爲政譬如北辰北極謂之北辰文選

居其所而衆星拱之釋文共鄭作拱居勇反拱拱手也

一言以蔽之 蔽塞也

道之以德 道六德謂知仁聖義中和

有恥且格

格來也

並釋文

六十而耳順 耳順耳聞其言而知其微旨

樊遲御子告之曰孟孫問孝於我我對曰無違 恐

孟孫不曉無違之意將問於樊遲故告之樊遲弟

子樊須

並集解

色難 和顏悅色是爲難也

毛詩疏

先生餽

釋文饌鄭作餽音俊

食餘曰餽

君子周而不比，小人比而不周。忠信爲周，阿黨爲

比。

左傳疏。○集解孔注同。

子張學干祿。子張弟子姓顓孫，名師，字子張，干求

也。祿，祿位也。

集解

言寡尤，行寡悔，祿在其中矣。言行如此，雖不得祿

亦同得祿之道。

同上。一見史記注。

舉直措諸枉。

釋文錯鄭本作措。

措，投也。

或謂孔子曰：「或云言有人不顯其名而畧稱爲，或

左傳疏。

大車無輓小車無輓 大車爲柏車小車爲羊車

周禮

疏

子張問十世可知

釋文鄭本無也字

所損益可知也

正義云鄭康成之義自古以來皆改正朔

其或繼周者 或之言有也

尚書疏

非其鬼而祭之諂也 人神曰鬼非其祖考而祭之

者是諂求福

八林放問禮之本 林放魯人

並集解

與其易也寧戚 易簡也

釋文

君子無所爭必也射于

釋文鄭讀以必也絕句

下而飲 下降也

玉篇

素以爲絢兮

文成章曰絢

釋文○儀禮疏引作文章成謂之絢

繪事後素

繪

文選注引作績

畫文也凡繪畫先布衆色然

後以素分布其間以成其文

儀禮疏引鄭注云素用繪

喻美女

雖有倩盼美質亦須禮以成之

一見史記注

文獻不足故也

獻猶賢也我不以禮成之者以此

二國之君文章賢才不足故也

並集解

禘自既灌而往者

禘祭之禮自血腥始

周禮疏



吾不與祭如不祭 孔子或出或病不自親祭使攝者爲之不致肅敬於心與不祭之同

儀禮疏。集解包注同

與其媚於奧 奧西南隅

釋文

子貢欲去告朔之餼羊 牲生曰餼禮人君每月告

朔於廟有祭謂之朝享魯自文公始不視朔子貢

見其禮廢故欲去其羊

集解。毛詩疏引鄭注云諸侯告朔以羊則天子特

與羊

哀而不傷 哀世夫婦不得此人不爲減傷其愛

毛詩

小序

疏

哀公問主於宰我

釋文社鄭本作主

主田主謂社

邦君樹塞門管氏亦樹塞門邦君爲兩君之好有反  
坫管氏亦有反坫反坫反爵之坫在兩楹之間人

君別內外於門樹屏以蔽之若與鄰國爲好會其  
獻酢之禮更酌酌畢則各反爵於坫上今管仲皆

僭爲之如是是不知禮

集解

始作

謂金奏

周禮疏

翁如也

翁變動貌

從之

從八音皆作

噉如也 噉清別之貌

釋如也 釋志意條達之貌

並釋文。後漢書注引釋詞達之貌

儀封人 儀蓋衛邑封人官名

集解

未盡善也

謂未致太平

毛詩疏

里里仁爲美

里者仁

文選注引作人

之所居居於仁者之

里是爲美

擇不處仁焉得知 求居而不處仁者之里不得爲

有知

並集解

造次必於是 造次倉卒也

釋文

無敵也

釋文適鄭本作敵

無莫也

釋文莫鄭音慕

無莫無所貪慕也

遊必有方

方猶常也

集解○文選注凡再引方常也無猶字

三年無改於父之道可謂孝矣 孝子在喪哀戚思

慕無所改於父之道非心所忍爲

釋文云此章與學而篇同當是

重出學而是孔注今此是鄭注本或二處皆有集解或有無者

父母之年不可不知也一則以喜一則以懼 見其

壽考則喜見其衰老則懼

並集解○釋文云此章注或云孔注或云包氏

又作鄭玄語辭未知孰是

君子欲訥於言 欲訥言欲難

事君數斯辱矣 數世主反謂數已之功勞也

並釋文

公冶長 瑚璉也 黍稷器夏曰瑚商曰璉

世說注。正義案明堂位

云有虞氏之兩敦夏后氏之四璉殷之六瑚周之八簋如記文則夏器名璉殷器名瑚而包咸鄭玄等說此論語皆云夏曰瑚或別有所據或相從而誤也

子說 善其志道深

集解

乘桴浮於海 桴編竹木大曰楫小曰桴

毛詩疏。集解作馬

注

由也好勇過我無所取材 子路信夫子欲行故言

好勇過我無所取材者無所取於梓材以子路不  
解微言故戲之耳一曰子路聞孔子欲浮海便喜  
不復顧望故孔子歎其勇曰過我無所取哉言唯

取於已古字材哉同

集解

可使治其賦也 賦軍賦

文釋

女與回也孰愈 愈猶勝也

左傳疏。集解孔注同

宰予晝寢 寢臥息也

文選注

吾未見剛者 剛謂強志不屈撓

尚書疏

申枻 蓋孔子弟子申續

文釋

夫子之言性與天道 性謂人受血氣以生有賢愚

吉凶天道七政變動之占也

後漢書注

臧文仲居蔡山節藻梲 蔡謂國君之守龜出蔡地

因以爲名節櫛也刻之爲山梲梁上楹也畫以藻

文山節藻梲天子之廟飾皆非文仲所當有之

左傳

疏

未知

釋文知鄭音智下同

崔子

釋文鄭云魯讀崔爲高今從古

季文子三思而後行子聞之曰再斯可矣 季文子

魯大夫季孫行父文謚也文子忠而有賢行其舉

事寡過不必乃三思

集解

吾黨之小子狂簡

釋文鄭讀至小子絕句

盍各言爾志

盍何不也

文選注

雍也也雍也可使南面言任諸侯治也則在路寢南面

聽政若其燕饗則在阼階西面燕禮大射是也

禮記

疏

仲弓問子桑伯子

子桑秦大夫

釋文正義云鄭以左傳秦有公孫

枝字子桑則以此

爲秦大夫恐非



君子周急不繼富

非冉有與之太多

一見史記注

子曰毋

仕辭位不辭祿

檀弓疏引鄭注云毋止其辭讓也

以與爾鄰里鄉黨乎

五家爲鄰五鄰爲里萬二千

五百家爲鄉五百家爲黨

並集解

必在汶上矣

釋文鄭本無則吾二字

一簞食 簞筍也

周禮疏○集解孔注同

子游爲武城宰

武城魯之下邑

文選注○集解包注同

行不由逕

步道曰逕

史記索隱

文質彬彬

彬彬雜半貌

後漢書注

人之生也直 始生之性皆正直

毛詩疏

知者樂 知者自役得其志故樂

亦可以弗畔矣夫 弗畔不違道

並集解

夫子矢之 矢誓也

集解孔注同

予所否者 否方有反不也

並釋文

可謂仁之方也已 方猶道也

後漢書注○集解孔注同

述而竊比於我老彭 老老聃彭彭祖

釋文○禮記疏引鄭云老聃周

之太史文選注引鄭云彭彭咸也

何有於我哉 人無是行於我我獨有之

集解

子之宴居

釋文燕鄭  
本作宴

自行束脩以上

謂年十五以上

後漢  
書注

吾未嘗無誨焉

釋文魯讀誨  
爲悔今從古

不憤不啓不悱不發舉一隅不以三隅反則不復也

孔子與人言必待其人心憤憤口悱悱乃復啓發

爲說之如此則識思之深也說則舉一隅以語之

其人不忍其類則不復重教之

一見史  
記注

富而可求也雖執鞭之事吾亦爲之富貴不可求

而得之當脩德以得之若於道可求者雖執鞭之

賤職我亦爲之

一見史記注

冉有曰夫子爲衛君乎 爲猶助也衛君者謂輒也

衛靈公逐太子蒯瞶公薨而立孫輒後晉趙鞅納蒯瞶於戚城衛石曼姑帥師圍之故問其意助輒不乎

夫子不爲也 父子爭國惡行孔子以伯夷叔齊爲賢且仁故知不助衛君明矣

不義而富且貴於我如浮雲 富貴而不以義者於

我如浮雲非已之有

並集解

五十以學易

釋文魯讀易為亦今從古

子所雅言詩書執禮皆雅言也

讀先王典法必正

言其音然後義全故不可有所諱禮不誦故言執

我非生而知之者好古敏以求之者也

言此者勸

人學

並集解

子鈞而不綢

釋文綢音剛鄭本同

多見而志之

志古文識

周禮疏

互鄉難與言童子見門人惑

互鄉鄉名也其鄉人

言語自專不達時宜而有童子來見孔子門人怪

孔子見之

人潔已以進與其潔也不保其往也 往猶去也人

虛已自潔而來當與之進亦何能保其去後之行

並集  
解

陳司敗 司敗人名齊大夫

釋文

正唯弟子不能學也

釋文魯讀正  
爲誠今從古

子疾

釋文鄭本  
無疾字

丘之禱久矣 明素恭肅於鬼神且順子路之言也

後漢  
書注

君子坦蕩蕩小人長戚戚

釋文魯讀坦蕩爲坦湯

坦蕩蕩寬

廣貌長戚戚多憂懼

集解

泰伯其可謂至德也已矣三以天下讓民無得而

稱焉泰伯周太王之長子次子仲雍次子季歷

正義

引此下有太王見季歷五字

賢又生文王有聖人表故欲立之

而未有命太王疾泰伯因適吳越採藥太王沒而不返季歷爲喪主一讓也季歷赴之不來奔喪二讓也免喪之後遂斷髮文身三讓也三讓之美皆

蔽隱不著故人無得而稱焉

後漢書注

慎而無禮則蕙

蕙殼質貌

直而無禮則絞

絞急也 並釋文

啓予足啓予手

啓開也會子以爲受身體於父母

不敢毀傷故使弟子開衾而視之也

後漢書注引鄭注云父母

全而生之亦當全而歸之

君子所貴乎道者三動容貌斯遠暴慢矣正顏色斯近信矣出辭氣斯遠鄙倍矣 此道謂禮也動容貌

能濟濟蹒蹒則人不敢暴慢之正顏色能矜莊嚴栗則人不敢欺詐之出辭氣能順而說之則無惡



夏之言入於耳

並集解

可以託六尺之孤 謂年十五已下

周禮疏

民可使由之不可使知之 由從也言王者設教務

使從之若皆知其本末則愚者或輕而不行

儀禮疏引

鄭注云民者冥也其見人道遠

人而不仁疾之已甚亂也 不仁之人當以風化之

若疾之已甚是益使爲亂也

並後漢書注

不至於穀

穀祿也

釋文

不易得也

釋文易鄭音以豉反

師摯之始闢睢之亂洋洋乎盈耳哉 師摯魯大師

之名始猶首也周道衰微鄭衛之音作正樂廢而

失節魯大師摯識闕睢之聲而首理其亂者洋洋

盈耳聽而美之

集解一見  
史記注

侗而不愿 愿善也

釋文

予有亂臣十人 十人謂文母周公太公召公畢公

榮公太顛閔夭散宜生南宮适

左傳疏。集解  
解馬注同

三分天下有其二以服事殷 於時三分天下有其

二以服事殷故雍梁荆豫徐揚之人咸被其德而

從之

正義

周之德其可謂至德也已矣 周自太王王季文王

武王賢聖相承四世

毛詩疏

惡衣服而致美乎黻冕 黻祭服之衣冕其冠也

左傳

疏

子罕 達巷黨人曰大哉孔子博學而無所成名 達巷

者黨名也五百家爲黨此黨之人美孔子博學道

藝不成一名而已

吾何執執御乎執射乎吾執御矣 聞人美之承之

以謙吾執御者欲名史記注引作明六藝之卑也並集解

麻冕 績麻三十升以爲冕

毛詩疏

今也純 純側基反黑緇也釋文○小雅疏引鄭注云純當爲緇

子畏於匡 微服而去禮記疏

大宰問於子貢 大宰是吳大宰嚭釋文○正義左傳云公會吳子

彙舉吳子使大宰嚭請尋盟公不欲使子貢對又子貢嘗適吳故鄭以爲是吳大宰嚭也

牢曰子云吾不試故藝 牢弟子子牢也試用也言

孔子自云我不見用故多伎藝也集解一見史記注

慳慳如也釋文空室鄭作慳慳

我叩其兩端而竭焉 兩端末也

釋文

河不出圖 河圖洛書龜龍銜負而出如中候所說

龍馬銜甲赤文綠色甲似龜背袤廣九尺上有列

宿斗牛之度帝王紀錄興亡之數是也

左傳序疏

弁衣裳者

釋文冕鄭本作弁云魯讀弁爲纒今從古

如有所立卓爾 卓爾絕望之辭

釋文

子疾病 病謂疾益困也

左傳疏

子路使門人爲臣 孔子嘗爲大夫故子路欲使弟

子行爲臣之禮

集解

韞匱而藏諸

韞裹也匱匱也

釋文

吾自衛反魯然後樂正雅頌各得其所 反魯哀公

十一年冬是時道衰樂廢孔子來還乃正之故雅

頌各得其所

集解一見史記注

未成一簣

簣盛土器

尚書疏

繹之爲貴

繹陳也

釋文

三軍可奪帥也匹夫不可奪志也 匹夫之守志重

於三軍之死將者也

後漢書注

衣敝緼袍

緼泉也

釋文○類聚引作絮也

鄉恂恂如也

恂恂恭順貌

後漢書注

便便言唯謹爾

便便辯也雖辯而敬謹

集解

蹶蹶如也

蹶蹶敬恭貌

後漢書注○集解馬注同

君召使擯 君召使擯者有賓客使迎之

集解

色勃如也足躩如也 勃矜莊貌躩透巡貌

書鈔

揖所與立左右手衣前後襜如也 揖左人左手

揖右人右手其手一俯一仰衣前後襜如也

賓退必復命曰賓不顧矣 復命白君賓已去矣

並集

解

立不中門 立行不當振闌之中央

儀禮疏

過位 謂入門在北面君揖之位

禮記疏

攝齊升堂鞠躬如也屏氣似不息者 鞠躬者歛歛

之貌屏氣者靜以待君言也

執圭鞠躬如也如不勝上如揖下如授勃如戰色足

蹢蹢如有循

釋文魯讀下為趨今從古

執圭謂以君命聘於鄰

國也如不勝敬之至也上如揖

集解下有授玉宜敬句

下如

授不敢忘禮也勃如戰色恐辱君命也

集解作敬也

如

有循舉前曳踵行之慎也

並書鈔



享禮有容色。享獻也。聘禮既聘，享用圭璧有庭實。

皮馬相間也。

集解

私覲愉愉如也。

覲見也。既享乃以私禮見用束帛。

乘馬也。

書鈔

愉愉顏色和。

集解

紅紫不以爲褻服。褻衣袍釋也。

緇衣羔裘。羔裘諸侯視朝之服。卿大夫朝服亦然。

唯豹祛與君異耳。

周禮疏引鄭云：羔裘君之視朝之服，亦卿大夫士祭於君之服。

禮記疏又引鄭云：其服緇布衣而素裳，緇帶素鞞。

素衣麕裘。麕裘諸侯視朔之服。其臣則青豸褻絛。

衣爲禡若兵事旣用韎韐衣則用黃衣狐裘及狸裘象衣色故也

黃衣狐裘

狐裘取溫裕而已

並毛詩疏

必有寢衣長一身有半

今小臥被

周禮疏

狐貉之厚以居

在家以接賓客

集解

非帷裳

帷裳謂朝祭之服其制正幅如帷非帷裳

者謂深衣削其幅縱齊倍要

左傳疏

羔裘玄冠不以弔

玄冠委貌諸侯視朝之服

穀梁傳疏

吉月必朝服而朝

朝服皮弁朝

禮記疏○集解孔注同

不時不食 不時非朝夕日中時一日之中三時食

儀禮疏

祭肉不出三日出三日不食之矣 自其家祭肉過

三日不食是褻鬼神之餘

集解

食不語寢不言 爲其不敬也

書鈔

瓜祭

釋文魯讀瓜爲必今從古

鄉人儺

釋文魯讀儺爲獻今從古

十二月命方相氏索室中驅

疫鬼

禮記疏

廡焚子退朝曰傷人乎不問馬 重人賤畜退朝自

君之朝來歸

集解

君賜生

釋文魯讀生  
爲牲今從古

侍食於君君祭先飯

於君祭則先飯矣若爲君嘗

食然

君命召不俟駕行矣

急趨君命也行出而車駕隨

之

並集解一  
見史記注

入大廟爲君助祭也

高麗本  
集解

寢不尸爲似死人也

居不容

爲室家之敬難久也

並書鈔○集  
解孔注同

見弁者釋文冤鄭本作弁

式負版者 版謂邦國籍也負之者賤隸人也世說注

迅雷風烈必變 敬天之怒風疾雷為烈集解

車中不內顧釋文魯讀車中內顧今從古 恐警眾也書鈔

山梁雌雉 孔子山行見一雌雉食其梁粟文選注

先進於禮樂 先進謂學也釋文

野人也 野人粗畧也儀禮疏

從我於陳蔡者皆不及門也 言弟子從我而厄於

陳蔡者皆不及仕進之門而失其所集解

德行

釋文鄭以合前章

康子問弟子孰爲好學

釋文鄭本作季康子

子哭之慟

慟變動容貌

釋文

子路行行如也

行行剛強之貌

子樂

樂各得其性

魯人爲長府

長府藏名也藏財貨曰府

仍舊貫如之何何必改作

釋文魯讀仍爲仁今從古

仍因也貫

事也因舊事則可也何乃復更改作

小子鳴鼓而攻之可也

小子門人也鳴鼓聲其罪

以責之

由也嘑

子路之行失於畔嘑

案釋文作叛嘑史記注引作吸嘑正義云

舊注作吸嘑字書吸嘑失容也言子路性行剛彊常吸嘑失於禮容也今本吸作畔

求也退故進之由也兼人故退之言冉有性謙退

子路務在勝尚人各因其人之失而正之

並集解

毋吾已也

釋文以鄭本作已

因之以飢饉

釋文饑鄭本作飢

且知方也

方禮法也

釋文

非曰能之願學焉宗廟之事知會同端章甫願爲小

相焉 我非自言能願學爲之宗廟之事謂祭祀也

諸侯時見曰會衆類曰同端玄端也衣玄端冠章

甫諸侯曰視朝之服小相謂相君之禮

集解

異乎三子者之僎 僎讀曰詮詮之言善也

釋文

浴乎沂風乎舞雩 沂水在魯城南雩壇在其上

禮記

疏○水經注引鄭注云沂水出沂山

雩者吁也吁嗟而請雨也

正義

詠而饋

釋文魯讀饋爲歸今從古

饋酒食也

顏淵請問其目 欲知其要

周禮疏

非禮勿視非禮勿聽非禮勿言非禮勿動 此四者



克已復禮之目

集解

仁者其言也訥 訥不忍言也

釋文

司馬牛憂曰人皆有兄弟我獨亡 牛兄桓魋行惡  
死亡無日我爲無兄弟

浸潤之譖 譖人之言如水之浸潤漸以成之

棘子成 舊說棘子成衛大夫

駟不及舌 過言一出駟馬追之不及

並集解

虎豹之鞞 鞞革也

釋文

年飢

釋文侯鄭本作飢

盍徹乎 盍何不也周法什二而稅謂之徹徹迥也  
爲天下之通法

誠不以富亦祇以異

此詩小雅也

毛詩疏引作此詩小雅我行其

野之句也

祇適也言此行誠不可以致富適足以爲異

耳取此詩之異義以非之

並集解

片言可以折獄者

釋文魯讀折爲制今從古

片半也

亦可以弗畔矣夫 弗畔不違道

子帥以正孰敢不正 康子魯上卿諸臣之帥也

在邦必聞在家必聞

言士之所在皆能有名譽

並集

解一見  
史記注

舉臯陶

臯陶爲士師號曰庭堅

左傳疏

子路先之勞之

釋文勞鄭音力報反

子之于也

釋文迂鄭本作于

于狂也

陸德明云案狂字疑當作枉

如有王者必世而後仁

周道至美武王伐紂至成

王乃致大平由承殷紂敝化之後故也

冉子退朝

朝於季氏之私朝

並毛詩疏

子夏爲莒父宰

舊說云莒父魯下邑

集解

吾黨有直弓者

釋文躬鄭本作弓

直人名弓

言必信行必果硜硜然小人哉抑亦可以爲次矣  
行必果所欲行必果敢爲之硜硜者小人之貌也  
抑亦其次言可以爲次

噫斗筭之人何足算也 噫心不平之聲筭竹器容

斗二升算數也

並集解

狂者進取 狂者進取仰法古例不顧時俗

毛詩疏

人而無恒不可以作巫醫 言巫醫不能治無恒之

人

不占而已矣 易所以占吉凶無恒之人易所不占

並集  
解

朋友切切惻惻兄弟怡怡 切切勸競貌怡怡謙順

貌  
毛詩疏

憲問可以爲難矣仁則吾不知也 四者行之難未足

以爲仁  
史記注○集解包注同

危言危行 危猶高也  
後漢書注謂高言高行者皆見危

左傳序疏

世叔討論之 討論謂整理  
尚書序疏

魯伯氏駢邑三百 三百家齊下大夫之制  
禮記疏

卞莊子之勇 卞莊子秦大夫

釋文

晉文公譎而不正 譎者詐也 謂召天子而使諸侯

朝之 仲尼曰 以臣召君 不可以訓 故書曰 天王狩

于河陽 是譎而不正也

集解

桓公九合諸侯

釋文云 穀梁傳 衣裳之會 十一 范注 莊十三年 會北杏 又會柯 十四年 會

鄆 十五年 又會鄆 十六年 會幽 二十七年 又會幽 僖元年 會經 二年 會貫 三年 會陽穀 五年 會首戴

七年 會寗母 凡十一會 鄭不取北杏及陽穀爲九也

霸諸侯 天子衰 諸侯興 故曰 霸 霸把也 言把持王

者之政教

左傳疏

子言衛靈公之無道

釋文本作子曰茲從鄭本

子貢謗人

釋文方鄭本作謗

謗謂言人之過惡

丘何是栖栖者與

釋文鄭本無爲字

稱其德也

德者調良之謂

集解

何以報德 德謂恩惠也

蔡氏集說

不尤人 尤非也

釋文

下學而上達 下學人事上知天命

後漢書注○集解孔注同

吾力猶能肆諸市朝 吾勢力猶能辨子路之無罪

於季孫使之

史記注作使人

誅察而肆之有罪旣刑陳其

尸曰肆

集解

大夫於朝士於市公伯察是士止應云

肆諸市連言朝耳

周禮疏

賢者辟世其次辟地其次辟色其次辟言子曰作者

七人矣

伯夷叔齊虞仲辟世者荷蓀長沮桀溺辟

地者柳下惠少連辟色者荷蕢楚狂接輿辟言者

七當爲十字之誤也

正義○案此則鄭本以上下合爲一章而釋文無說

子路宿於石門晨門曰奚自石門魯城外門也晨

門主晨夜開閉者

後漢書注

深則厲

由膝以上爲厲

毛詩疏



高宗諒闇

諒闇謂凶廬也

後漢書注云案釋文本作諒陰云讀禮爲梁

鶴杜預解左傳爲諒闇貌也

原壤夷俟

原壤孔子幼少之舊故

北魏書

闕黨童子將命

無事則立主人之南北

面

儀禮疏

衛黨

軍旅之事未之學也

萬二千五百

人爲軍

史記

注引作萬二千人爲軍

五百人爲旅軍旅末事

未立不可

以教末事

集解

在陳絕糧

釋文糧鄭本作張音張

糲下糧也

小人窮斯濫矣

濫竊也

釋文

雖州里行乎哉。萬二千五百家爲州五家爲鄰五

鄰爲里行乎哉言不可行

集解一見史記注。正義云周禮大司徒云五

家爲比五比爲閭四閭爲族五族爲黨五黨爲州是二千五百家爲州也。今云萬二千五百家爲州也。

知柳下惠之賢 柳下惠魯大夫也展禽食采柳下

諡曰惠

文選注

好行小慧難矣哉

釋文魯讀慧爲惠今從古

小慧謂小小之才

知難矣哉言終無成

君子義以爲質 謂操行

孫以出之

謂言語

並集解

君子疾沒世而名不稱焉

古者曰名今世曰字

儀禮

疏

耕也餒在其中矣學也祿在其中矣一餒餓也言人

雖念耕而不學故飢餓學則得祿雖不耕而不餒

此勸人學

集解

父在觀其志父沒觀其行

釋文集解無此章鄭本有云古皆無此章

固相師之道也

相扶也

釋文

季氏而謀動干戈於封內

釋文邦內鄭本作封內

不在顓臾而在蕭牆之內也 蕭之言肅也牆謂屏

也君臣相見之禮至屏而加肅敬焉是以謂之蕭

牆後季氏家臣陽虎果囚季桓子

集解

自諸侯出 亦謂幽王之後也

周禮序疏

平王東遷政始

微弱諸侯始專征伐

毛詩疏

祿之去公室五世矣 言此之時魯定公之初魯自

東門襄仲殺文公之子赤而立宣公於是政在大

夫魯祿不從君出至定公爲五世矣

集解

政逮於大夫四世矣 文子武子悼子平子

史記注  
集解

孔注

同

友便辟

馬鄭皆讀爲譬公羊傳疏云便辟謂巧辟喻案今世間有一論語者便辟爲便僻者非鄭

氏意通人所不取矣

友便佞

便辯也謂佞而辯

言未及之而言謂之躁

釋文魯讀躁爲傲今從古

躁不安靜

並集

解

畏大人

謂天子諸侯爲政教者

儀禮疏

狎大人

狎慣忽之言慣見而忽也

尚書疏

餓於首陽之下

首陽山在河東蒲坂城南今陽區

山俗號爲首陽山

大平寰宇記

夫人自稱曰小童 小童若云未成人也

書鈔

貨饋孔子豚

釋文歸鄭本作饋云魯讀爲歸今從古

吾其爲東周乎 據時東周則謂成周

毛詩疏

吾豈匏瓜也哉焉能繫而不食 我非匏瓜焉能繫

而不食者冀往仕而得祿

文選注

可以觀 觀風俗之盛衰

集解

女爲周南召南矣乎 周南召南國風之首篇

儀禮疏

禮云禮云玉帛云乎哉 玉圭璋之屬帛束帛之屬

言禮非但崇此玉帛而已所貴者乃貴其安上治

民朱解

苟患失之無所不至矣 無所不至謂諂佞邪媚無

所不爲也後漢書注

古之矜也廉釋文魯讀廉爲貶今從古

天何言哉釋文魯讀天爲夫今從古

將命者出戶 將命傳辭者文選注

惡果敢而窒者釋文魯讀窒爲室今從古

惡絞以爲知者釋文微鄭本作絞古卯反

年四十而見惡焉其終也已 年在不惑而爲人所

惡終無善行

集解

微子去之箕子爲之奴比干諫而死 箕子比干

不忍去皆是同姓之臣有親屬之恩君雖無道不  
忍去之也然君臣義合道終不行雖同姓有去之

理故微子去之與箕子比干同稱三仁明同姓之

臣有得去之道也

毛詩疏○正義引鄭云微與箕俱在圻內箕子紂之諸父

齊人饋女樂

釋文歸鄭本作饋其貴反

已而已而今之從政者殆而

釋文魯讀胡斯已矣今之從政者殆今從古



孔子下 下堂出門也

釋文

長沮桀溺耦而耕 長沮桀溺隱者也 耜廣五寸二

耜爲耦

集解

使子路問津焉 津濟渡水之處

文選注

悠悠者

釋文滔滔鄭本作悠悠

耰而不輟 耰覆種也 輟止也 覆種不止不以津告

集解

五穀不分 分扶問反 猶理也

釋文

子路曰不仕無義 留言以語文人之二子

集解



侏張

釋文朱鄭作  
條音陟留反

不降其志不辱其身 言其直已之心不入庸君之

朝

集解

發中權

釋文廢  
鄭作發

發動貌

我則異於是 不爲夷齊之清不爲惠連之屈故曰

異於是

後漢  
書注

大師摯適齊

師摯以下周平王時人

前漢  
書注

亞飯十適楚三飯繚適蔡四飯缺適秦 亞飯三飯

四飯皆侑食之樂

周禮  
疏

故舊無大故則不棄也 大故惡逆之事

禮記疏○集解孔注

同

周有八士 八士成王時人

羣輔錄○毛詩疏引鄭云周公相成王時所生

叔夜

夜鄭讀為夜

張子雖小道必有可觀者焉致遠恐泥 小道如今諸

子書也泥謂滯陷不通

後漢書注

聽其言也厲 厲嚴正

集解○文選注引作嚴整

未信則以為厲已也 厲讀為賴恃賴也

釋文

堂堂乎張也難與並為仁矣 言子張容儀盛而於

仁道薄也

集解

孟氏使陽膚爲士師 慶父斬稱死時人爲之諱故

云孟氏

禮記疏

堯天之厯數在爾躬 謂有圖籙之名

正義

敢用玄牡 用玄牡者爲舜命禹事於時總告五方

之帝莫適用用皇天大帝之牲

尚書疏

敢昭告于皇皇后帝 帝謂大微五帝

禮記疏

簡在帝心 簡閱在天心言天簡閱其善惡也

尚書疏

孔子曰不知命無以爲君子也不知禮無以立也不

知言無以知人也

釋文魯論無此章今從古

序錄

隋志鄭玄撰論語孔子弟子目錄一卷

太史公曰學者多稱七十子之徒譽者或過其實  
毀者或損其真鈞之未覩厥容貌則論言弟子籍  
出孔氏古文近是余以弟子名姓文字悉取論語  
弟子問并次爲篇疑者闕焉

蘓子古史曰孔子弟子高弟七十七人余以太史  
公書及孔子家語考之皆同秦冉顏何不載於家  
語而琴牢陳亢不錄於史記二書皆不可偏廢而

琴張陳亢又見於論語并錄之凡七十九人云

闕里志曰按弟子名數史記載孔子言曰受業身  
通六藝者七十有七人皆異能之士也唐司馬貞  
索隱曰孔子家語亦有七十七人宋馬端臨曰孔  
子弟子史記家語所載皆七十七人魏王肅本自  
顏回至顏祖止列弟子七十六人缺一人不合前  
數及觀史記弟子傳有顏何字冉索隱證之曰家  
語字稱則知顏何已載於家語而肅本缺之耳又  
此齊顏之推稱仲尼門徒升堂者七十有二顏氏

居八唐顏真卿自敘家譜稱孔門達者七十有二  
顏氏居八八人之中顏何與焉索隱去古未遠之  
推真卿俱顏氏裔孫必各有據今當以顏何足七  
十七人之數云又曰史記所載數同家語內無琴  
牢陳亢縣亶三人而別有公伯寮秦冉鄒單三人  
當其數文翁石室圖七十二人比家語少公西與  
縣亶原亢公肩公夏首句井疆邾巽顏何八人而  
別有蘧瑗秦冉林放三人子由古史又錄七十九  
人蘧子云孔子弟子高弟七十七人予以太史公



書及孔子家語攷之皆同秦冉顏何不載於家語而琴牢陳亢不錄於史記二書既不可偏廢而琴牢陳亢又見於論語故并錄之凡七十九人又因索隱云文翁圖有蘧伯玉林放申棖申堂四人今石室圖七十二人亦無所謂棖與堂也

謨按朱竹垞孔子弟子考云自孔子徒人法既亡見漢書而文翁石室象在顯晦之間世儒據以考藝文志

定弟子之籍惟史記之傳家語之解而已而不言及鄭氏目錄蓋是書之亡亦已久矣故其名次無

得而考獨賴裴駢史記集解於列傳下時引目錄  
證諸弟子籍里如魯人衛人可考見者三十有八  
人竊意裴氏當日必猶見目錄原書與史記大畧  
相同故采其異者注本傳下其同者不復注也今  
故仍依史記弟子列傳名次采錄而以家語別出  
三人附載於後凡七十九人

孔子弟子目錄

漢 北海鄭康成撰

金谿鄭

漣校

顏回

史記字子淵魯人少孔子三十歲家語同

閔損魯人

史記字子騫少孔子十五歲家語少五十歲

冉耕魯人

史記字伯牛家語同

冉雍魯人

史記字仲弓家語云伯牛宗族少孔子二十九歲

冉求魯人

史記字子有少孔子二十九歲家語云伯牛宗族

仲由

史記字子路一字季路家語弁人

宰子魯人

史記字子我不詳何許人家語亦云魯人

端木賜

史記衛人字子貢少孔子三十一歲家語同

言偃

史記字子游吳人少孔子四十五歲家語云魯人

卜商溫人

史記字子夏少孔子四十四歲不詳何許人注引鄭云溫國卜商索隱溫國今河內

溫縣元屬衛故

家語云衛人

顓孫師陽城人

史記陳人字子張少孔子四十八歲家語同索隱陽城縣名亦屬陳郡

曾參

史記南武城人字子輿少孔子四十六歲家語同

澹臺滅明

史記武城人字子羽少孔子三十九歲家語云四十九歲

宓不齊

孔安國論語注魯人史記字子賤少孔子十九歲不詳何許人家語亦云魯人

原憲魯人

史記字子思不詳何許人家語云宋人少孔子三十六歲

公冶長

史記齊人字子長家語云魯人

公皙哀

史記字季次不詳何許人家語云齊人又索隱云家語作公皙克檢今本亦作哀

曾蒧

史記字晉注引孔安國曰曾參父家語曾點曾參父字子皙

顏無繇

史記字路顏回父家語云少孔子六歲

商瞿

史記魯人字子木少孔子二十九歲家語同

高柴衛人

史記字子羔少孔子三十歲不詳何許人家語云齊人

漆彫開魯人

史記字子開不詳何許人家語云蔡人字子若少孔子十一歲

公伯僚

史記字子周馬融論語注魯人正義曰家語有申繚子周無公伯僚

司馬耕

史記字子牛不詳何許人注引孔安國曰宋人家語同

樊須齊人

史記字子遲少孔子三十六歲不詳何許人家語云魯人少四十六歲

有若魯人

史記少孔子十三歲不詳何許人注引家語云魯人字有少三十三歲今家語云字

子有少三  
十六歲

公西赤魯人

史記字子華少孔子四十二歲不詳何許人家語亦云魯人餘同史記

巫馬施魯人

史記字子旗少孔子三十歲不詳何許人家語云陳人字子期

梁鱣

史記字叔魚少孔子二十九歲不詳何許人家語云齊人

顏辛魯人

史記字子柳少孔子四十六歲不詳何許人家語亦云魯人餘同史記

冉孺

史記字子魯少孔子五十歲不詳何許人家語云魯人

曹邴

史記字子循少孔子五十歲不詳何許人家語亦云魯人

伯虔

史記字子折也孔子五十

公孫龍楚人

史記字子石少孔子五十三歲不詳何

家語此

唯有三十七人其公良孺秦高顏刻叔

仲會

四人家語有亭迹史記闕然自公伯遼秦冉

鄒單

三人家語不載而別有琴牢陳亢縣亶當此

三

人之數皆互有也如文翁圖所記又有林放蘧

伯玉

申張申堂俱是後人

以所見

增益今殆不可考

冉季魯人

史記字子產家語同○按史記自此以下俱不詳何許人

公祖句茲

史記字子之家語無句字

秦祖秦人

史記字子南家語同

漆雕哆魯人

史記字子斂家語作侈字同

顏高

史記字子驕家語作顏刻字同云少孔子五十歲

漆雕徒父

家記作漆雕從字子文

壤駟赤秦人

史語字子徒家語作子從

商澤

家語云字子秀

石作蜀

史記字子明家語同

任不齊楚人

史記字選家語作子選

公良孺陳人賢而有勇

史記字子正家語亦云陳人賢而有勇孔子同行嘗以家

車五乘從

后處齊人

史記字子里家語作石處字里之



秦冉

史記字開家語無此人

公夏首魯人

史記字乘家語作守字子乘

奚容蒧

史記字子皙正義云衛人家語作奚蒧多忝反字子借按此與魯蒧名字同當從家語

公堅定魯人或曰晉人

史記字子中家語作公肩字子仲

顏祖

史記字襄正義云魯人家語作顏祖字子襄

鄒單

史記字子家語無此人

句井疆衛人

史記無字家語字子疆

罕父黑

史記字子索在引家語罕父黑字索今家語作罕父黑

秦商楚人

史記字子丕在引家語魯人字丕茲今家語字不慈少孔子四十歲

申黨

史記字周正義云魯人論語釋文鄭康成云申

振蓋孔子弟子申續困學紀聞史記云申棠字周家語云申續字周今史記以棠爲黨家語以續爲績傳寫之訛也後漢王政碑云有羔羊之繫無申棠之欲亦以振爲棠則申黨申棠一人爾唐開元封申振召陵伯又封申黨魯伯本朝祥符封振文登侯又封黨淄川侯俱列從祀黨卽棠也一人而爲二人失於詳攷論語釋文也史記索隱謂方翁圖有申振申堂今所傳禮殿圖有申黨無申振

顏之僕魯人

史記字叔家語字子叔

榮旂

史記字子祺家語同

縣成魯人

史記字子橫家語字子橫

左人鄆魯人

史記字行家語作左鄆字子行

燕及 史記字思家語字子思

鄭國 史記字子徒正義引家語云薛那字徒史記作國者僻高祖諱薛字與鄭字誤耳

秦非魯人 史記字子之家語同

施之常 史記字子恒家語字子常

顏噲魯人 史記字子聲家語同

步叔乘齊人 史記字子車家語同

原亢籍 史記注引家語名亢字籍今家語作原桃字子籍

樂欬 史記字子聲正義云魯人家語欬作欣

廉絜衛人 史記字子庸家語字子曹

叔仲會晉人

史記字子期索隱引家語云魯人少孔子五十四歲今家語作五十歲

顏何魯人

史記字冉索隱云家語字稱今家語無此人

狄黑

史記字皙家語字皙之

邾巽魯人

史記字子餘索隱曰家語作選文翁圖作國選

孔忠

史記注引家語忠字子蔑孔子兄之子今家語作孔弗注云孔子兄孟皮之子

公西與

史記字子上家語如作公西與字同

琴牢

家語字子開一字子張衛人史記無論語鄭注牢弟子子牢也

陳亢

家語字子亢陳人少孔子四十歲史記無論語鄭注子禽弟子陳亢也。按鄭注論語既以琴

牢

陳亢爲孔子弟子則此二人必見目

錄故從家語補入而懸豈則以例附焉

懸壘 家語字子  
象史記無

公西蒧魯人 史記字子上  
家語作子尚